

KERATAN AKHBAR

TARIKH : 2 MAC 2024
AKHBAR : UTUSAN MALAYSIA
MUKA SURAT : 2

Hanya satu syarikat bumiputera tersenarai

Daripada 97 syarikat baharu di Bursa Malaysia dalam tempoh tiga tahun lalu

Hanya satu syarikat bumiputera tersenarai

Oleh NUR MAZLINA NADZARI
uzamnews@medanula.com.my

PUTRAJAYA: Hanya satu daripada 97 syarikat yang disenaraikan di Bursa Malaysia dalam tempoh tiga tahun kebelakangan ini mempunyai majoriti saham bumiputera.

Pengerusi Bursa Malaysia, Tan Sri Abdul Wahid Omar berkata, perkara tersebut amat membimbangkan dan mencerminkan penyertaan sebenar kaum bumiputera dalam sektor pemiagaan.

"Ini suatu 'wake-up call' (bagi kita), ini situasi sebenar

yang berlaku," katanya pada sesi pembentangan hasil libat urus pengurusan korporat dan penciptaan kekayaan pada Kongres Ekonomi Bumiputera 2024 (KEB 2024) di sini semalam.

Beliau berkata, kadar pemilikan ekuiti bagi saham tersenarai dan tidak tersenarai juga

masih rendah iaitu sekitar 18.4 peratus.

"Angka tersebut masih jauh untuk mencapai sasaran 30 peratus ekuiti bumiputera melalui Dasar Ekonomi Baru (DEB)," ujarnya.

Bersambung di muka 2

Hanya satu syarikat bumiputera tersenarai

Dari muka 1

Abdul Wahid berkata, punca utama kegagalan itu adalah golongan bumiputera sentiasa memupuk dasarnya pada sektor awam, bukan swasta.

"Perkara itu menyebabkan ekonomi bumiputera hanya mencapai 17.8 peratus berbanding sektor swasta 76.2 peratus dalam Kecharan Dalam Negara Kasar (KDNKK)," jelasnya.

Sehubungan itu, kerajaan disarankan untuk memperkatakan Dasar Peluang Saksama bagi memberi peluang yang adil kepada rakyat Malaysia dalam menjalankan perniagaan mahupun dalam pekerjaan.

Abdul Wahid berkata, pelaksanaan Dasar Memperkasakan Bumiputera perlu mengambil

pendekatan yang lebih universal.

Kalanya, perkara tersebut boleh dilaksanakan dengan menerapkan kepelbagaian, ekuiti dan keterangkuman (DEI) iaitu semua syarikat dikehendaki melaporkan kepelbagaian Lembaga Pengarah, pengurusan dan eksekutif meliputi tiga kategori iaitu jantina, etnik dan generasi.

"Dasar Peluang Saksama ini bermakna tidak ada diskriminasi dari segi peluang pemiagaan dan pekerjaan. Ini kerana, ada yang merasakan mereka tidak diberi peluang walaupun untuk ditemu duga.

"Kalau ada bukti berlaku diskriminasi, mereka boleh adukan kepada badan-badan tertentu bagi memastikan mereka tidak terindas," katanya.

Beliau berkata, kerajaan juga

wajar meletakkan dasar itu di bawah kuasa undang-undang jika sahah pelaksanaan secara sukarela tidak berkesan.

Abdul Wahid berkata, jika dilaksanakan, dasar tersebut dapat membantu meningkatkan jurang pendapatan isi rumah bumiputera yang masih rendah iaitu pada purata RM2,200 sebulan berbanding kaum Cina pada RM4,000 sebulan.

"Sebelum ini, Dasar Memperkasakan Bumiputera banyak tertumpu pada sektor awam yang merangkumi sebahagian besar daripada ekonomi negara pada masa dulu. Jadi, dasar ini perlu dibariskan kepada sektor swasta bagi mengelak pencapaiannya akan terus rendah," kata bekas menteri di Jabatan Perdana Menteri itu.

